

大同府志卷之

大同府知府吳輔宏纂輯

祠祀

禮有功德於民者則祀之能捍裁禦患則祀之所以答
幽贊明義至深重我

國家修明禋祀損益前代而酌其精祀典所載儀文品節
固各有司存矣昔端臨馬氏作郊祀考而終之以雜祀
舉之莫敢廢也

大同府

大同府志

卷之十五

祠祀

一

大同縣

附郭

先農壇在城南門外迤東

國朝雍正五年知府許惟訥知縣萬承芩奉文建正殿五
間中供先農神牌東西配房各一間殿前爲壇廣二丈
五尺高二尺一寸圍牆二十四丈高八尺各壇制同壇
前藉田四畝九分歲二月亥日致祭各官穿朝服祭品
羊一豕一帛一鋤一籩豆各四簠簋各四祭畢易蟒袍
補服知府秉耒佐貳執青箱知縣播種九推九返農夫
終畝官率耆老望闕行三跪九叩首禮藉田米粟收
貯正房西間以供各祭祀粢盛之用

社稷壇舊在廢代府城內西南隅康熙十三年知縣王業昇改建南門外每歲春秋上戊日致祭祭品帛二俱黑色羊一豕一劊一籩豆各四簋簋各四與先農壇同

風雲雷雨山川城隍壇舊在廢代府城內社稷壇之東康熙十三年改建北門外迤東壇設三神位風雲雷雨居中山川居左城隍居右制帛七風雲雷雨帛四山川帛二城隍帛一祭品陳設行禮與社稷壇同

厲壇在北門外迤西卽古天王寺廢址正殿三間東窰二間東樓一間東房二間西官廳一間圍牆三十二丈高一丈每歲清明日七月望日十月朔日祭無祀鬼神迎

大同府志

卷之十五

祠祀

二

城隍神主之

文廟詳見學校

各州縣俱倣此不復書

關帝廟一在鼓樓東街創建無考元泰定間敕降封號紫石小碣今不存明景泰嘉靖隆慶萬歷間相繼增修俱有碑記

國朝康熙三十二年重修乾隆二年知府屠嘉正知縣李伯謙增建饗殿三十八年知府吳輔宏知縣虔禮寶重修壁間有明巡撫翟鵬謁廟詩碣其在永泰街者曰勒馬關帝廟明萬歷二十四年建崇正末燬於兵燹

國朝順治十五年重建康熙十八年知縣費恒增添建抱

厦乾隆二十一年二十八年相繼修葺

關帝廟城鄉胥設不能備載

惟規模宏麗及刱建甚古者則書他祠廟倣此

文昌祠在府學北獅子街明萬歷十一年巡撫賈應元建

有碑記

國朝康熙二十三年知府周夢熊知縣朱作霖修乾隆三

十八年又修其在府治東南者曰開化寺詳見寺觀

府城隍廟在城東北有前明洪武三年定稱府州縣城隍

神詔碑嘉靖三十三年代府修潞城王充焜撰文隆慶

五年重修郡人張應武記

國朝順治十八年知府蔡永華重修康熙三十七年雍正

大同府志

卷之十五

祠祀

三

三年乾隆三十四年屢修

縣城隍廟在縣治東乾隆六年知縣李伯謙重建

龍王廟在鎮署西雍正五年奉文建

潤濟侯廟城西十五里雷公山禱雨輒應其建廟封號之

始無可考元皇慶初晉寧人雷時舉大同人趙翥重修

宜君縣尹單鵠記

五嶽廟在東門甕城內建始無考明萬歷四十四年代府

增修郡人張爾基記

國朝順治十六年重修乾隆八年三十二年繼修

東嶽廟在縣治東明季代府建

國朝康熙八年知縣郝文啟修乾隆三十八年重修省志載縣治東有龍翔宮今未審所在疑廟卽其故基也城南五里又有北嶽行宮其後有魁星閣風神廟

聖母廟一在城西南明萬歷四年代府勅建郡人張應武撰文溫景葵篆額李承式書

國朝康熙三十七年重修乾隆十六年三十八年再修一在和陽街乾隆三十四年重修

三元廟一在東關北園建始無攷明天啟五年道士桑常慧重修樂府鎮國中尉朱鼎銑撰記輔國中尉鼎淦篆額代府鎮國中尉廷雅鐫刻

大同府志

卷之十五

祠祀

四

國朝康熙五十五年雍正九年乾隆七年三十年屢修一在廣府街順治十七年道士賀太寧建卽明廣府樓舊基也內有鐵佛三尊相傳河水湧出舊在東關三元廟姜瓌變廟毀移像於此事見教授馮雲驤碑記

眞武廟一在城東一里東塘坡創始無考明洪武二十九年代府修成化十三年重修巡撫李敏記宏治八年又修巡撫侯恂記嘉靖間兵燬二十六年重建長史高璧撰文三十三年修郡人蔣應奎記萬歷十三年重修碑俱存

國朝康熙十年總督馬之先知府蔡永華重修一在北關

明嘉靖三十一年代府修葺長史高璧記殿前有落星石

馬王廟舊在北關康熙八年總兵彭有德改建猪市口四十二年修雍正十三年知府范瑤重修乾隆六年知府盛典知縣李伯謙又修

武成王廟在城東北祀周師尚父以歷代名將配焉康熙二十二年總兵鮑敬三十八年總兵俞益謨乾隆十七年總兵張乃義相繼修葺

玉帝廟在鎮署東偏明代府建

火神廟在玉帝廟西

大同府志

卷之十五

祠祀

五

三靈侯廟在城西南棋盤街本三教寺乾隆十二年改建省志云三靈侯者孚靈侯唐宏字文明威靈侯葛雍字文樂泱靈侯周武字文剛胥周厲王臣宣王時治宄有惠政没加侯封宋眞宗因其靈應賜號三原眞君

鄼侯廟在府治東南康熙四十一年知府葉九思建乾隆三十四年重修

岳武穆廟在東甕城康熙二十七年郡人高鼎重修

三皇廟在南甕城內前代祀爲醫師元元貞初命郡縣通祀三皇太昊伏羲以勾芒配炎帝神農以祝融配軒轅黃帝以風后配黃帝臣俞跗以下十人姓名載於醫書

者並從祀有司於春秋二季行事而以醫師主之寶坻人劉元至元中塑上都三皇像極古粹見元史工藝傳今像或其遺制云

財神廟在三皇廟旁康熙初建秀水朱彝尊有記

安輯祠在府治東祀明巡撫蔡天祐

勸忠祠在城東順治間總督佟養量建祀戊子變一時死

事諸臣

史公祠在南門外祀明巡撫史道

呂公祠在南關祀明知縣呂坤以上四祠久廢

河神廟在玉河西乾隆四十六年知縣傅修建

大同府志

卷之十五

祠祀

六

懷仁縣

先農壇在縣南門外二里雍正五年知縣鍾文輔奉文建

社稷壇在城南二里

風雲雷雨山川城隍壇在城西門外二里

厲壇在城北門外一里

城隍廟舊在縣治西南明初移建縣治北嘉靖三年知縣

于祥修碑存

國朝乾隆二十二年知縣彭作霖重修

關帝廟一在縣治西東向元延祐中有大賈渡江遇風舟

將覆賴神祐以全始立祠丁字街明萬歷三年重建三

十年知縣胡貢修有碑記

國朝乾隆十四年知縣彭作霖增修一在東甕城明萬歷四年知縣楊守介修碑存

國朝乾隆十七年知縣彭作霖重修

龍王廟在縣東關外迤北明萬歷三年知縣胡化鯤修碑存

國朝乾隆十八年重修又縣治東南有火龍王廟

玉帝廟在東門外迤北明初建嘉靖三年知縣于祥修邑人王汝浹記

國朝乾隆四年知縣黃再憲重修

大同府志

卷之十五

祠祀

七

馬神廟一在縣西關明萬歷四年知縣胡貢修有碑記

國朝乾隆二十二年知縣張師元重修一在東門外迤北乾隆十三年重建

二郎神廟在西關內

火神廟在縣東門乾隆三十二年知縣周明德建

元帝廟在縣西門外二里明時建侍郎吳嘉會撰記

北嶽行祠一在縣西南五十里金仙山一在西北四十里

玉龍洞俱明時建

觀音殿在縣治南乾隆三十年建

張總管祠在城東門內祀唐朔方節度使張仁愿以築三

受降城有捍禦功故祀之

按朔方即今河套地東南距大同府境六百餘里史稱仁

愿為將號令嚴肅將吏信服按邊撫師賞罰必直功罪後人思之為立祠受降城出師輒享焉縣之立祠未詳

始所

山陰縣

先農壇在城東門外雍正五年知縣張椎奉文建

社稷壇城西里許

風雲雷雨山川城隍壇城東里許

厲壇城北半里許

關帝廟在城南門之南明嘉靖間邑人梁祥建隆慶五年

邑人郭石梁樞重修有碑記

大同府志

卷之十五

祠祀

八

國朝順治七年知縣趙民善十八年知縣張施大各重修

康熙二十四年知縣郭永燮四十一年知縣甯朝鼎各

重修乾隆二十二年知縣譚昌明增建三代祠於正殿

東北隅三十七年知縣常愷重修

文昌祠在縣治東順治五年邑人姚洪烈倡修康熙十五

年知縣吳一蜚四十六年知縣甯朝鼎雍正十年知縣

張椎乾隆十年知縣李葳十八年知縣方恭愈三十三

年知縣常愷各重修

城隍廟在縣治西北康熙四十五年知縣甯朝鼎修乾隆

三十年知縣常愷重修

龍神廟在南門外乾隆十一年知縣李葳三十六年知縣常愷相繼修葺又縣北黃花岡縣西南辛寨村皆有龍

王廟

風神廟在城南十五里忠州故城西北隅

聖母廟在縣治東

北嶽祠在縣西南四十里化悲岩旱禱有應相傳有樵夫

遇神於此因建祠明萬歷末重修邑人王濬初記其事

王文端公祠在學宮西隅祀明大學士王家屏

應州

先農壇州東門外雍正五年知州靳治徐奉文建乾隆三

大同府志

卷之十五

祠祀

九

十四年知州吳炳重修

風雲雷雨山川城隍壇在南關西隅明洪武間建成化十

五年知州汪昱修

國朝雍正十一年署知州樊天漢補修乾隆三十四年知

州吳炳重修

厲壇舊在城東門外明知州薛敬之建今改建城北

城隍廟在城內西南隅學宮之東明洪武八年知州陳立

誠初建成化十年知州蕭治修二十三年知州薛敬之

重建

國朝康熙三年知州傅登榮四十四年知州陳偉繼修乾

隆三十三年知州吳炳重修有碑記

關帝廟一在南門甕城內明永樂間安東衛都指揮使唐鑑建正德四年修萬歷十年繼修

國朝順治二年重修州人左光圖記一在西關一在東關外一在州治東北俱明時建

眞武廟在城城北垣上初爲拱極樓明成化十六年千戶劉鑑建廟作鎮嘉靖三十五年知州徐衡重修州人霍希夔記萬歷元年知州吳守節重建

國朝康熙六十年知州章宏重修乾隆十四年再修

北嶽廟在西關甕城明洪武二十七年建萬歷十年修

大同府志

卷之十五

祠祀

十

國朝乾隆十五年重修

聖母廟在城內西街相傳唐明宗母建明萬歷二十年修

國朝乾隆十五年重修

馬神廟在東關甕城乾隆十八年重修

神農廟在城東龍首山舊傳唐神醫李愈建

雷公廟在西關外明洪武三十年建成化十六年知州汪昱重修

古龍王廟在南關舊傳唐建明萬歷二十五年災重建

火神廟在城內西南隅明萬歷十九年知州王準建

國朝乾隆三十年重修

開化祠在城內東北隅乾隆二十年建又東關內有梓潼廟明知州薛敬之建

財神廟在城內西北隅乾隆四年重修

三官廟在舊城西北明初建

忠肅祠在州治南金大定三年勅建祀道國公康公弼

名儒祠在州治西南元泰定間建祀金進士曹之謙久廢

渾源州

先農壇在城南一里雍正五年知州黎子淳奉文建

社稷壇在城西一里

風雲雷雨山川城隍壇在城南二里

大同府志

卷之十五

祠祀

十一

厲壇在城北一里

城隍廟在州治西北明成化間知州關宗嘉靖間知州錢淵各重修有碑記

北嶽廟在州南二十里恒山上廟創自元魏太延元年景明元年災唐武德間復建唐末圯金復建天會大定間重修歲久圯且燬元復建歷久頽敝明洪武中都指揮周立復建成宏間知州關宗董錫重修宏治十四年都御史劉宇以古廟陝度地中峯之陽建朝殿改古廟爲寢宮宮之右爲后土夫人廟嶽廟之上下左右則有風伯雨師龍王玉皇文昌天尊聖母藥王三清元帝三元

山神諸廟皆宮殿之翼衛也唐開元元年封安天王宋
大中祥符四年加號安天元聖帝又加上五嶽后號北
曰靖明元至元二十八年晉號安天太貞元聖帝明洪
武三年詔定號北嶽恒山之神

國朝因之順治十七年二月初四日刑科給事中粘本盛
奏請正北嶽祀典畧云書言舜朔巡狩至於北嶽註謂
恒山載籍胥云大同府渾源州有恒山俗傳恒山之石
飛至正定曲陽縣遂移祀曲陽實爲荒唐不經夫辨方
正位渾源於四嶽爲正曲陽稍在其東

國家建都於燕曲陽在南渾源在北且其洞巖聳邃信神

大同府志

卷之十五

祠祀

十二

靈之所窟宅旣稱北嶽而禋祀弗及允爲缺典伏乞
睿鑒勅部酌議行二月十六日禮部議奏科臣疏誠有所見
隨奉

旨依議改祭恒山繇是靈山顯位克復厥舊虞廷柴望於茲
再舉實爲

盛朝鉅典云

東嶽廟在城東門外唐開元間州人馮安建

三皇廟在南門

元帝廟在城北臺上明萬歷十七年知州毛似荀重修郡
人王汝浹記

關帝廟南門一東西甕城二在木市西者爲勒馬廟明末州人謝作麟建

龍王廟在西門外順城街

馬王廟在州治南

聖母廟在東門外

財神廟在州治東

三官廟在東門甕城

孟姜女廟在州東北龍角山上

律呂神祠在城北五里神谿孤石上北魏時建相傳金泰和元年六月望日宏州人張珪晚憩石上有神人空中

大同府志

卷之十五

祠祀

十三

言曰律呂律呂上天勅汝此月二十五日行硬雨語畢騰空而去珪至家徧語隣村人使速收麥未及收者輒傷事聞朝廷遣使致祭元至元六年重修東昌教授麻治記明成化間重葺

二神祠在州東街明成化初建祀關聖二郎神

霜神祠在城東乾隆二十五年知州桂敬順初建有記

太白祠在磁窑峽東崖上有太白書壯觀二字明成化十年府倅鮑克寬建今廢

孫真人祠在城隍廟東

靈邱縣

先農壇在城東門外雍正五年知縣徐德懋奉文建

社稷壇在城西北

風雲雷雨山川城隍壇在南門外

厲壇在城東北

城隍廟在縣治東明萬歷間知縣袁鳴鳳修

國朝順治十六年知縣宋起鳳重修有碑記康熙二十三年知縣岳宏譽增修

關帝廟在南關西街

元帝廟在北城上

南嶽廟在縣治西元元貞初加封靈惠齊聖廣祐王順帝

大同府志

卷之十五

祠祀

十四

至元二年縣主簿普顏帖木兒建碑見董恕記

東嶽行祠在縣治東

魏文成帝廟在縣治東二十里帝征慕容垂師還牧馬於

此後人立廟

崔府君廟在城西北元建泰定間修六月五日土人享賽

國朝乾隆三十五年知縣任謙重修

按府君名元靖唐貞觀間任長子令多異

政後人廟祀之今所在多建

龍王廟在南關街南又縣西四十里黑龍谷上有黑龍王

廟

馬王廟在縣治西順治十七年知縣宋起鳳修乾隆三十

七年知縣任謙重修

三皇廟在城西南隅順治十五年修

三元廟在城西澆河之北順治十七年知縣宋起鳳邑人

劉愈奇重修

元君廟在城東南

八蜡廟在南關街北

旗纛廟舊在縣治西後廢順治十五年叅將曹志重建於

縣治東

廣靈縣

先農壇在城東北里許雍正五年知縣杜坦奉文建

大同府志

卷之十五

祠祀

十五

社稷壇在城北一里

風雲雷雨山川城隍壇在城南里許

厲壇在城東里許

城隍廟在城西街明正統九年知縣孫敬重建有碑記

關帝廟在南門外

文昌祠在學宮右雍正四年教諭葉澄倡建

玉皇廟在北關

北嶽廟在千福山

東嶽行祠在蕙花村前

娘娘廟在蕙花村東南隅河水冲圯雍正間改建舊祠北

乾隆二十一年增修邑人韓廷魁記

元帝廟一在南關水巷門內一在北甕城

禹王廟在縣治前

龍神廟一在社臺山曰龍母神祠明成化間邑令程某修城取石於廟夜夢神拒之旋遘疾禱祀獲愈

國朝康熙十八年知縣李煥斗重修有記一在北關東門外一在壺山北

黃龍神祠在縣西二十里黃龍山舊傳有黃龍見此

馬神廟在縣治東

八蜡祠在城西

大同府志

卷之十五

祠祀

十六

豐水神祠在壺山頂

陽高縣

先農壇在東門外三里雍正五年知縣石光璽奉文建

社稷壇在南門外距城五里

風雲雷雨山川城隍壇在西門外五里

厲壇在南門外

城隍廟一在城東街北明萬歷四十年修天啟五年災總

督張樸重修邑人錢永裕記

國朝乾隆二十八年重修一在城內北巷乾隆二十年知縣周世紫修

關帝廟在轅門街乾隆二十五年知縣滿實圖重修又東
甕城有勒馬廟乾隆三十七年知縣石文秀修

武成王廟一在城內北街東乾隆三十一年知縣石文秀
重修一在西街北一在東郊

北嶽廟在北城外高與北臺埒明萬歷間總督蕭大亨創
建邑人錢國卿記

泰山廟在東門相傳明英宗北狩有護駕功勅建

眞武廟一在陽和臺上明成化時建嘉靖二十三年邑人
孫玉銘重修蘇杭記

國朝乾隆三十八年知縣石文秀重修一在南甕城乾隆

大同府志

卷之十五

祠祀

十七

十九年知縣周世紫修

龍王廟在南關內明天啟五年布政分司李如檜建邑人

錢永裕記

火神廟一在神機庫一在南甕城

三靈侯廟在東關

藥王廟在西石橋

文昌祠在城西北隅

聖母廟在城東北隅

馬神廟一在南甕城乾隆十八年知縣周世紫重修一在

三將府巷

三義廟在西門外

財神廟在小東街

瘡神廟在西門

天鎮縣

先農壇在東北城外雍正五年知縣陳際熙奉文建

社稷壇在城西門外通惠橋右乾隆十六年知縣張坊重

建有碑記

風雲雷雨山川城隍壇在城南八里河陽乾隆十八年知

縣張坊改建

厲壇在北城外少西乾隆十六年知縣張坊建有碑記

大同府志

卷之十五

祠祀

十八

城隍廟在城西街明洪武年建天順七年萬歷三十八年

相繼修葺

國朝乾隆元年重修知縣胡元朗記

關帝廟一在城西北隅明成化元年重修宏治萬歷天啟

間屢修後圯

國朝雍正七年知縣陳際熙重修有碑記

四嶽廟在四甕城俱明時建

武廟一在南街明永樂二十年城被兵武德將軍丁玉

於神俄而大風晦冥揚沙飛石獲保安建祠之日芝

拱狀如蓮菊代府長史戴禮撰記一在北街明宏

治十年建有碑一在新平堡

聖母廟一在南街明宣德五年千戶能諒建

國朝雍正八年重修一在城東北隅乾隆二年重修立碑
知縣胡元朗撰文

龍神廟在關帝廟西明宣德間建碑存

馬王廟一在城南街康熙二十三年重修一在城東北隅
乾隆二年重修明時建

火神廟在城西北隅乾隆元年重修又城外東北東將臺
有金火神廟乾隆十八年知縣張坊建

財神廟一在城東南明萬歷三十八年建一在新平堡

大同府志

卷之十五

祠祀

十九

三官廟一在南關外明天啟崇正間屢修一在賈家屯明
正德十一年建

國朝康熙四十五年重修俱有碑記

玉皇廟在城東蕭牆堡明嘉靖十三年建碑存

風神廟在孤峯山明時建後廢

國朝乾隆十五年邑人李嘉祺重修知縣張坊記

武成王廟在縣治西明萬歷三十五年叅將李高創建

國朝雍正十二年修乾隆十五年重修

霜神祠在南洋河北培風堡正殿三間殿東西爲山河神
廟祠之東爲八蜡廟又東爲霽神祠俱乾隆年間知縣

張坊初建各有記

朱子祠舊在城北培風堡乾隆十八年知縣張坊建書院
塑像於講堂今與書院並移城內大雲寺東

三英祠在新平堡東月城內祀明總兵周尙文郭琥叅將
麻祿

豐鎮廳

龍王廟在城內東南隅乾隆七年鎮寧所千總張祖述建
又高廟子張臯兒大莊科四美莊官屯堡各村俱有龍

王廟廳境各廟俱係初建故小大備書

關帝廟在城內東南隅乾隆十一年大朔理事通判長世

大同府志

卷之十五

祠祀

二十

圖建一在張臯兒一在隆盛莊俱同知八格初建

財神廟在城內東南

聖母廟在城內東南以上 廟俱乾隆二十一年通判觀

光初建

大王神祠城東二里小元山上舊有小廟廟右側有靈泉
旱禱輒應乾隆二十四年通判圖明司建祠於廳治之

東南

八蜡廟在城內東南乾隆二十六年通判圖明阿建

城隍廟在城內西南隅乾隆三十七年同知八格建

湖神廟在城內東南隅

風神廟在城內東南

霜神廟在城內東南以上三廟俱乾隆三十八年同知八格建

白龍王廟在城東八十里八楞山

寺觀附

善化寺在府治東南唐開元間建賜名開元石晉初改名大普恩寺歲久廢金天會戊申釋圓滿重建皇統三年二月宋朱弁撰記弁至金築館三年庚戌十月冬遷寺中凡十四年內有銅鐘後唐清泰三年丙申鑄明易今名萬歷四年總兵郭琥改造四十四年代宗充鮑總兵

大同府志

卷之十五

祠祀

二十一

王威等重修郡人張爾基撰記王從義篆額何廷魁書
崇正六年又修

國朝乾隆五年知府盛典重修三十五年又修俗名南寺
大華嚴寺在府治南少西東向臺崇數十尺上構大殿高亦如之俗謂之上寺其地舊名舍利坊遼清寧八年建寺奉安諸帝銅石像者也舊有南北閣東西廊像在北閣下已失所在明成化元年代府修潞城王遜烜記萬歷崇正間相繼修葺

國朝康熙十二年總兵何傅知府孫魯重修殿左有沙門覺同書釋迦成道記碑前有八角石柱上鐫佛頂尊勝

陀羅尼幢蓋遼太康間物也寺之東南爲薄伽教藏亦
壘石爲臺基稍庳俗謂之下寺遼重熙七年建保大間
燬於兵火僅存齋堂厨庫寶塔經藏洎守司徒大師影
堂見金天眷三年重修碑記元至元間寺僧慧明重修
明洪武三年改大殿爲大有倉二十四年卽教藏置僧
綱司復立寺崇正四年毀五年督餉戶部周維新巡撫
張廷拱總兵楊茂春重修郡人覃光裕記
國朝雍正六年應州知州章宏捐貲重修乾隆八年又修
華嚴寺在城東關南園建始無考明萬歷間代府修碑存
國朝乾隆三年二十一年屢修

大同府志

卷之十五

祠祀

二十一

新寺在府城東北明時建久廢甃塔存今其地名塔寺街
南堂寺在府城東南後魏天安元年建名永寧寺構七級
浮圖高三百餘丈爲天下第一舊志云當時有金玉像
高一丈八尺外有九級浮圖高九十餘丈上刹復高十
丈鈴鐸聲聞十里後改今名元初重修劉秉忠遊雲中

畱居於此今廢

凡寺名見正史及經名人題咏者雖廢亦書

柳港寺在府城東門外玉河橋南明正統間建內有木塔
今廢

西巖寺在府城西十七里武周山東由澗道盤折而上依
巖壘石臺殿宏麗明萬歷間修有碑記代宗鷗江詩寶

地新開一徑斜橫窓修竹映桃花又云社傍春城遠市
廛長松倒挂綠蘿煙可想見其勝槩

石窟寺在府城西三十里左雲界北魏時建始神瑞終正
光歷百年而工竣其寺一同升二靈光三鎮國四護國
五崇福六童子七能仁八華嚴九天宮十兜率內有元
載所修石佛二十龕壁立千仞面面如來今大半廢圯
壁上多前代石刻字漫滅不可讀

國朝順治八年總督佟養量重修有碑記東西二閣依巖
結構各爲五重皆高十餘丈東閣下大石佛一高與閣
等名大佛閣緣閣左飛橋陟磴而土復得小石佛數龕

大同府志

卷之十五

祠祀

二十三

其最上層也康熙三十五年冬

聖祖仁皇帝西征回鑾幸寺

御書莊嚴法相懸額三十七年知府葉九思奉文修葺

禪房寺府城西南五十里禪房山麓唐天寶間建

觀音堂府城西十五里佛字灣遼重熙六年建明宣德三
年修萬歷三十五年重修提學副使陳所學記碑存壁
間小碣書大士降妖事戶部分司吳伯與撰代宗朱廷
雅刻石石瓶二上刻心經及天啟丙寅知縣王象雲款

識

國朝順治六年姜瓖變焚燬八年總督佟養量重建有碑

記康熙五十二年乾隆二十八年相繼修葺

北寺在府城東北明建舊名通光寺

國朝雍正六年後殿燬乾隆二十一年重修前殿更名

七佛寺府城東南隅明萬歷間代府建

國朝乾隆十五年重修

興教寺在戶部街乾隆十九年修

圓通寺城西南隅康熙二年建乾隆十四年修

朝陽寺府治西中有鐵佛像明宏治十八年鑄或云掘土

得之建寺

望雲寺城西七里康熙十五年修乾隆三十二年增修

大同府志

卷之十五

祠祀

二十四

準提庵在西門內街北康熙三十五年重修有碑記

極樂寺在府城南關明萬歷二十九年太谷縣人張月朔

建

國朝順治六年寺燬康熙年間僧照寶成理相繼修葺乾

隆二十七年重修

龍福寺南郭外本名千佛寺

國朝康熙三十二年修更名乾隆三十一年重修

水月寺在南門外明代府建今名月光寺舊志又載永壽

寺萬佛寺亦明代府建並在府城外西南今未詳其處

興國寺南郭外明萬歷乙未年建

國朝康熙六年總兵彭有德兵備道曹溶知府高光拱重修乾隆三十年又修

開化寺在府治東南原爲佟公祠順治十年建十五年知府蔡永華移佟公像於後樓其前殿別塑文昌像更今名康熙初秀水朱彝尊撰記今寺無此碑

白衣寺府治西門外

靈感白衣寺在善化寺南隅

太寧觀在縣治西遼時建舊名湛然壇有九真堂明初改爲大同縣治洪武十年復爲三清宮更今名置道紀司成化嘉靖萬歷崇正間屢修之

大同府志

卷之十五

祠祀

二十五

國朝順治十八年道士許和太募修教授馮雲驤記

玉虛觀在城北新城內明景泰四年建嘉靖甲寅西路叅將葉宗增建玉皇殿郡人毛鳳撰記蔣應奎書

國朝乾隆三十六年重修

元都觀在東郭外元建明重修

清涼寺在北寺東

普興寺在城內東北隅明崇正三年修

國朝乾隆二十年重修

宏濟寺在城內西北隅

地藏寺在西甕城

永昌寺在廣府街

海藏寺在東門內街南

太平寺在和陽街太平樓東南向或云卽勸忠祠遺址

以上大同縣

崇國禪寺在縣治東北元至元間建明洪武間修置僧會

司縣尉郭子直有詩

牙槎寺在縣西南十里

蘆于寺在縣西南十五里蘆子山舊有鐵塔

清涼寺在縣西十五里清涼山下

海子寺在縣東南十五里

大同府志

卷之十五

祠祀

二十六

龍山寺在縣東南二十里鎮海堡

團山寺在縣西二十五里團山上

朝陽寺在縣西北四十五里玉龍山

金山寺在縣西南五十里金仙山西

大羅寺在縣西南六十里寺南有聚仙臺上有仙人鐵拐

李跡

滴水崖寺在縣西南六十五里金仙洞南石壁有孔日滴

水數壺故以名寺

玉清觀在縣治東北元己未間建明洪武十九年置道會

司

老君觀在縣西北二十里得勝山明隆慶間建居人鑿石梯而上

三清觀在縣西北四十里玉龍山以鐵瓦覆之登者援鐵索履浮木而上下覷諸山若凌空然內有玉龍洞

以上懷仁縣

臥佛寺在縣治西永寧坊元時建明洪武間修置僧會司

瑞雲寺在縣南三十五里佛宿山遼時建金王拱碑云文

殊大師畱宿處明郭石王家屏王濬初胥有詩

沙家寺在縣南三十里迎嵐里金明昌二年建遼太保沙彥珣墓在香山下後水冲碣出人始知之寺或共故宅

大同府志

卷之十五

祠祀

二十七

也

木瓜寺在鄭家莊

杲日寺在縣治中街

洪聖寺在縣西南辛家寨宋太平興國八年僧重鑿修

雲溪觀在縣南三十里明郭石有詩

以上山陰縣

佛宮寺在州西北初名寶宮遼清寧二年田和尚奉勅建

有木塔道宗賜額曰釋迦高三百六十尺圍半之六層八角上下胥巨木爲之玲瓏宏敞稱宇內浮圖第一金

明昌四年增修元延祐二年避仁宗諱改今名至正間

地大震七日旁屋盡圯塔屹立不動明永樂間成祖駐蹕登塔御書峻極神工正德三年武宗巡幸宴賞御題天下奇觀出帑金命太監周善修葺萬歷間重修州人田蕙記

國朝康熙六十一年雍正四年知州章宏蕭綱相繼修葺乾隆三十一年重修

覺興寺在城東街唐太和三年西僧清寬建晉天福三年災元至正八年僧寬憑重修明萬歷五年又災寺僧德安重建

國朝乾隆二十九年重修

大同府志

卷之十五

祠祀

二十八

淨土寺在州治東北金天會二年僧善祥奉勅建大定二十四年僧善聳重修相傳爲後唐明宗祖廟詳見古蹟
大安寺在州南三十里崔家莊元皇慶二年爲獨峰和尚勅建明洪武二年僧祖粲重修內有獨峰碧峰二塔洪武御製賜碧峰詩刻於山門石上宋濂撰塔銘
國朝乾隆三十年重修

法王寺在州西南四十里香峰山金大定四年僧福益建石甃井尙存

文殊寺在州東南小石村相傳文殊說法於此遼乾統六年西僧義譚勅建明洪武六年成化二十年正德元年

相繼修葺寺有古蟠松蓋唐宋間物

彌陀寺在州東北邊耀村創始無考

國朝順治十四年僧覺化修葺乾隆三十一年重修又州西南賈莊村有西彌陀寺金明昌五年僧智廣建明萬歷十三年重修

龍泉寺在州東邊耀山元泰定二年僧一如建明萬歷二年修

觀音寺在州東南下社村元韓元帥習靜處今寺後有高樓卽古望城樓基址

永安寺在下社村舊名吉祥明嘉靖間代府爲僧賓儒建

大同府志

卷之十五

祠祀

二十九

天王寺在下社村唐太和六年僧演智建明洪武十四年萬歷八年相繼修葺

國朝乾隆二十九年重修

黃華寺在州西北黃花岡僧月香建

下生院在東賈莊村明宣德間太虛李上人建成化間僧淨潭修

國朝乾隆三十年重修

頤真庵在州南龍灣山元大德四年道士張志通建

慈雲庵在州治西北元大歷二年建明永樂七年修

國朝雍正四年重修

大覺精舍在州東南三十里小石峪溝相傳唐隱士田游巖棲此名冽靜山房後改名

行樹庵在下社村舊爲十畝園知州林友王父養靜處順治十八年捨爲庵更名

冲虛觀在州治西南唐廣德四年道士鳳鳴岐募建金天輔六年道士呂明先奉勅修明洪武八年改築州城中分觀址僅存東寥陽殿

國朝順治二年道士史泰安重修

元通觀在州南武州店元延祐二年道士劉葆光建

雲溪觀在州西南西安峪村元中統三年道士寇士謙建

大同府志

卷之十五

祠祀

三十

龍灣觀在州南下寨村乾隆八年重修

雲水窟在州南翠微山金明昌元年道士杜機心建

以上應州

圓覺寺在州治東金正隆三年建明成化初重修

永安寺在州治東北元延祐三年都元帥高定建明洪武間置僧會司并報國寺入焉

國朝乾隆二十六年重修

栢山寺一在州東南十里栢山上金劉初祀云代北名刹有黑龍池雲興卽雨邑人以爲雨徵一在王前莊

靜居寺在州南二十里元至治三年建

白馬寺在州西三十里

大雲寺一在州西南四十里龍山爲上院金麻革遊龍山宿此有記西方丈有金同知運使雷思詩碣劉京叔祁畱題元好問李冶張德輝嘗遊賞焉今廢一在城西荆家莊爲下院胥元魏時建

永固寺在州東四十里金大定間建明嘉靖間僧覺洪增修

玉泉寺一在州西南四十五里玉泉山爲上院西有望景臺今院廢一在城西李峪村爲下院元時建

西禪寺在州西五十里元時建

大同府志

卷之十五

祠祀

三十一

懸空寺在州南恒山下磁窯峽元魏時建

雲峰寺在州南淘沙村天賜溝北崖上舊名天賜禪林石窟高數十丈縱倍之橫又倍之依窟結宇壘石爲牆前有松林似障山陰王濬初記

寶峰寺在州西五十里元時建內有古柏一株

崇福寺在州南九十里王家莊元魏時建

常山寺在恒山崔鴻前燕錄慕容儁光壽二年於寺大樹根下得璧七十圭七十三光色精奇有異常玉儁以爲岳神之賜命以太牢祀之

福智寺在州東二里

覺山寺在州東南二十里

寶寧寺在州西北十里

興國禪林在州西北四十里殿山上唐時建山下有水頭寺

西巖寺在州東三十里鶯架莊

三教寺在鶯架莊乾隆二十五年建

千佛寺在州北十五里下韓村又千佛洞在孫臏山下

得一庵在恒山虎風口上陡崖剝削庵踞其前

龍泉觀上觀在恒山上山有二泉唐開元二年勅建賜額下觀在州東門外明洪武間置道正司

大同府志

卷之十五

祠祀

三十一

五峰觀在城東五峰山上有二洞金時建

以上渾源州

大雲寺在縣治東唐開元間建明天順間修何士震詩到門深樹千峰雨出檻疎鐘萬壑風

福智寺在城東二里元時建

鄧峰寺在縣南昔鄧雲峰兄妹修煉於此後仙去遂建寺元時勅修今斷碑存

覺山寺在縣東南三十里覺山元魏孝文帝太和七年因報母建層樓阿閣連亘山麓招集方外禪衲五百餘衆仍勅六宮侍女長年持月六齋其精內典者並度爲尼

遼大安五年八月鎮國大王行獵經此奏請勅修賜錢十萬緡於邑開設賈肆以所入子錢日飯緡素復設提點所頒給印篆不由府攝更賜山田一百四十餘頃重熙七年五月記有碑明崇正三年重修郡人王從義記寺有浮圖高三十丈塔左山冢上小浮圖高與埒塔側一井亦深三十丈土人名塔井三奇山巖構精舍祀大士旁侍王者冕服疑孝文并祀也明王象乾有詩

國朝知縣宋起鳳有遊覺山寺記郡人徐化溥有覺山并詩

龍泉寺在縣東三十里唐時建泉滴巖下成鐘聲

大同府志

卷之十五

祠祀

三十三

白馬寺在縣西三十五里白馬山山有泉相傳漢文帝白

馬跑地得之故寺以泉名寺久廢宋起鳳有記

道源寺在縣西南四十里門外雙松日東西升落祇一影

後摧折寺亦尋毀馮雲驤有雙松一影詩

栢巖寺在縣南四十里相傳巖上有佛頂珠夜光照龕

雖月盈不能奪也後失所在

月翻寺在縣西五十里

準提庵在城東北隅順治間知縣羅森建

洞元觀在縣治西北元時建

以上靈邱縣

聖壽寺在縣治西北隅元時建明洪武十六年修置僧會
司景泰萬歷間屢修

國朝康熙二十二年重修

福智寺在縣東三里金貞元三年建

天井寺在縣西南二十里天井山明正統十一年修今廢

聖泉寺在縣南二十里榆杏山元時建內有聖泉故名

聖佛寺在縣西南三十里直峪南山元至元間建有三塔

板塔寺在縣北三十里大山南巖

宏教寺在縣北三十里後唐清泰二年建

白羊寺在縣西五十里白羊山明景泰三年修今廢

大同府志

卷之十五

祠祀

三十四

興勝寺在龍虎巖

周圖寺在唐山巔

石佛寺在唐山峪

清涼寺在白羊山元至元間建

石湖寺在縣南十五里畱老山

崇善寺在縣西北二十里一斗泉南

西照寺在枚迴嶺北奇峰山唐尉遲敬德監修宋仁宗有

御製碑文明成化宏治間屢修

國朝康熙十七年重修

大士庵在縣東南一里壺山上內有石井水繇座下獅口

出以菓物投之卽繇山麓流出最爲靈異

凌霄觀在縣治東南翠虛臺又縣西二十里有保眞觀又四十里有集仙觀俱元時建今廢

以上廣靈縣

圓通寺在縣東北隅

永福寺在城東南隅今名南寺乾隆十七年重修

華嚴寺卽西寺在城西南隅明崇正間邑人李馨重修徐化溥記

廣寧寺卽北寺在城西北隅乾隆四十一年知縣李廷儀重修以上三寺皆前明勅建

大同府志

卷之十五

祠祀

三十五

三教寺在城北街

神峰寺在東門外

千佛寺在南門外

雲林寺在城西街

淨土寺在南甕城東角門外明人岳可有詩

國朝乾隆十一年知縣楊文燾重修

朝陽寺在城西四十里

龍泉寺在縣南四十里水自西而環繞東入寺土人傳唐

太宗飲馬於此二蛇盤鬪俄騰雲去遼宋間斷碣存

太平庵在城東街康熙六十年重修教授蘇之芬記

呂祖觀在城東街

三清觀在東門內

以上陽高縣

慈雲寺在城西街舊名法華禪寺唐時建遼開泰八年修

明宣德五年重修改今名嘉靖十八年繼修俱有碑

國朝乾隆三十八年寺僧照福普霽募貲重修請

頒藏經全部增建藏經閣知縣錢文梓記

雲臺寺在城西北隅舊名城墻寺明時建

國朝雍正六年僧照福重建改今名

顯化寺在城東南八里四裏山舊名盆兒寺明宣德間勅

大同府志

卷之十五

祠祀

三十六

建賜額正德嘉靖間相繼修葺俱有碑明季燬於火

國朝康熙十年道士朱眞光重建

天寧禪寺在城東南二十里秀峰山明成化三年重建

寶峰寺在城東南三十里廣陽山明成化六年重修有碑

記

萬聖寺在縣東南五十里筆峰山

柳家寺在城東南五十里明成化年建

國朝康熙五十四年重修

龍泉寺在縣西南六十里牽牛山相傳漢時建唐尉遲恭

重修明嘉靖隆慶間屢修有碑記三

棲隱寺在城西南七十里馬家皂遼統和六年建金明昌三年重修明成化宏治正德間屢修有碑記

資福寺在城西南八十里安家皂

鷲峰寺在縣西南百里太保村之龍澍山相傳唐時建有

古碑四字磨滅不可辨明宏治十五年重修立碑

白雲寺在縣西南一百十里白仙崖明嘉靖間重修

石佛寺在城北十五里

清涼寺在城北四十里大梁山初始無考

國朝雍正八年僧正如募修

慈恩禪寺在縣東北永嘉堡明正德間勅建

大同府志

卷之十五

祠祀

三十七

鎮邊寺金佛寺俱在新平堡西南隅

準提庵在城西街康熙九年重修有碑記

圓通庵一在城南街一在新平堡

白衣庵在新平堡西北隅

天慶觀在城東南隅明嘉靖十四年修

國朝順治十五年重修

三清延祥觀在城南百一十里小鹽場明萬歷三十五年

邑人袁恭建郡人何廷魁記

以上天鎮縣

大同府志卷之 五終